

KANTONALNA UPRAVA ZA INSPEKCIJSKE POSLOVE

Zakon je jasan

Kada je u pitanju konzumiranje duhanskih proizvoda, decembar donosi prekretnicu za zatvorene javne prostore u Federaciji BiH. Zakon o kontroli i ograničenoj upotrebi duhana, duhanskih i ostalih proizvoda za pušenje nudi i izazove, a pojedini su u njemu prepoznali šansu da preoblikuju svoje poslovanje u ugodnije okruženje za goste. Nakon što je 13. juna objavljen Pravilnik o uslovima za posebne prostore za pušenje u smislu izuzetaka od zabrane pušenja vlasnici ugostiteljskih objekata i pušači dobili su vremenski okvir u periodu od šest mjeseci (do 13. decembra) da se prilagode novim pravilima.

Kantonalna uprava za inspeksijske poslove će u narednom periodu vršiti pojačane inspeksijske nadzore nad provođenjem Zakona o kontroli i ograničenoj upotrebi duhana, duhanskih i ostalih proizvoda za pušenje. U vezi sa početkom primjene navedenog Zakona ovim putem daju se osnovne upute i informacije. Prema novim pravilima, vlasnici ugostiteljskih objekata koji žele dozvoliti pušenje u određenim sobama moraju se pridržavati strogih smjernica. Na vanjskoj strani vrata svake sobe u kojoj je dozvoljeno pušenje moraju biti postavljene jasne oznake sa sljedećim natpisima: „Dozvoljeno pušenje. Pušenje je štetno za vaše zdravlje.“ i „Zabranjen ulazak i boravak lica mlađih od 18 godina.“ Ove oznake moraju biti izradene u formatu A4, štampane horizontalno, sa crnim slovima na bijeloj pozadini, koristeći font Arial 28 bold. Natpisi moraju biti centralno postavljeni, sa jednako razmaknutim marginama.

Da li je u prostorima za pušenje dozvoljeno posluživanje pića?

Pravilnikom o uvjetima za posebne prostore za pušenje u smislu izuzetaka od zabrane pušenja propisano je da vlasnik ili druga odgovorna osoba ugostiteljskog objekta, može osigurati poseban prostor za pušenje odvojen od nepušačke zone, uz ispunjavanje uvjeta iz čl. 10. i 11. ovog pravilnika. U prostoru za pušenje u ugostiteljskim objektima ne smije se konzumirati hrana, dok je konzumiranje pića dozvoljeno.

Konačna odluka o tome da li će i gdje biti uvedeni izuzetci jeste na vlasnicima ugostiteljskih objekata. Uzimajući u obzir zdravstvene interese svojih zaposlenika, kao i

vlastite ekonomske interese, ukupnu površinu uslužnog prostora, vlasnici objekta donose Odluku i o tome da li će se u posebnim prostorima za pušenje moći posluživati piće gostima od strane konobara, odnosno da li će prostor biti isključivo pušački (uz mogućnost samo konzumacije pića, ali ne i posluživanja gostiju od strane konobara).



Da li će se vlasnici objekata moći opredijeliti da li će ugostiteljski objekat u cjelini biti "pušački" ili "nepušački"?

Pravilnikom je regulirana i ova opcija, ali samo za ugostiteljske objekte površine do 50 kvadratnih metara i u kojima se isključivo poslužuje piće. Vlasnik ili druga odgovorna osoba ugostiteljskog objekta (površine do 50 kvadratnih metara) moći će cijeli uslužni prostor odrediti prostorom za pušenje, o čemu u tom prostoru mora biti istaknuta oznaka o dozvoli pušenja, uz ispunjavanje i ostalih uvjeta iz Pravilnika koji se odnose na uvjete ventilacije.

Da li će pušenje biti dozvoljeno u posebnim prostorima za pušače, u objektima u kojima se poslužuje hrana (restoranima) ili je u istima u potpunosti pušenje zabranjeno?

Pušenje će biti dozvoljeno u svim onim ugostiteljskim objektima u kojima će se moći osigurati posebni prostori za pušenje, shodno odluci vlasnika/korisnika objekta, pa tako i restoranima, uz obvezu ispunjavanja

svih potrebnih uvjeta iz Pravilnika. Napominjemo da se u tim slučajevima u prostorima za pušenje ne smije posluživati, kao ni konzumirati hrana.

Da li se vlasnik/korisnik prostora i zadužena osoba mogu kazniti ako nisu osigurali provođenje zabrane pušenja, nisu postavili grafički znak zabrane pušenja, odnosno nisu uklonili pepeljare za odlaganje pepela (obaveza iz člana 6. st. (1) do (3))?



Član 35. propisuje novčane kazne za prekršaje iz čl. 5., 6. i 7. Zakona. Novčanom kaznom od 2.000 KM do 5.000 KM kaznit će se za prekršaj pravna osoba koja ne zabrani upotrebu duhanskih proizvoda u skladu sa članom 5. stav (1) Zakona kojim se pušenje zabranjuje u svim zatvorenim javnim prostorima, mjestu rada i u javnom prijevozu. Također, kaznit će se i odgovorna osoba u pravnoj osobi za ovaj prekršaj u iznosu od 300 KM do 1.000 KM (npr. osoba koju je vlasnik ugostiteljskog objekta imenovao za odgovornu osobu za praćenje zabrane pušenja; također to može biti osoba zadužena za poslovanje ugostiteljskog objekta i sl.). Novčanom kaznom u iznosu od 500 KM do 2.500 KM kaznit će se vlasnik i korisnik prostora, odnosno mjesta u kojem je pušenje zabranjeno, kao i osoba zadužena za poslovanje ugostiteljskog objekta, koji propusti izvršiti radnje propisane članom 6. st. (4), (5) i (6). Nadalje, u članu 6. jasno je definirano osiguranje provođenja zabrane pušenja, tko je iste obavezan osigurati, te na koji način (mora biti postavljen grafički znak zabrane

pušenja i tekst koji glasi: „Zabranjeno pušenje“, ne smiju biti postavljene pepeljare ili druge posude koje mogu služiti za odlaganje pepela. Također, ukoliko vlasnik/korisnik prostora propusti izvršiti zakonom propisane radnje za osiguranje provedbe zabrane pušenja nabrojane u članu 6. (opomenuti gosta, uskratiti uslugu, zatražiti od osobe da napusti prostor, kontaktirati nadležni organ), kaznit će se novčanom kaznom u iznosu od 500 KM do 2.500 KM.

Obaveza vaspitno-obrazovnih ustanova

Shodno odredbama člana 26. stav (2) Zakona o kontroli i ograničenoj upotrebi duhana, duhanskih i ostalih proizvoda za pušenje sve vaspitno – obrazovne ustanove obavezne na vidno mjesto istaknuti postere i druge promotivne materijale i vizuelne grafikone sa tekstom i slikom koji ukazuju na zabranu upotrebe duhana, duhanskih proizvoda i ostalih proizvoda za pušenje licima mlađim od 18 godina i upozorenje o štetnosti tih proizvoda za zdravlje. Nadzor nad primjenom navedenog člana u nadležnosti je kantonalnog prosvjetnog inspektora u skladu sa odredbama člana 32. stav (1) tačka e) citiranog zakona.



Obavezna dostava odluke o posebnom prostoru i prostoriji za pušenje

Pravilnikom o uslovima za posebne prostore za pušenje propisana je obaveza vlasnika ili drugog odgovornog lica ugostiteljskog objekta da odluku o dozvoli pušenja obavezno dostavlja nadležnoj federalnoj, odnosno kantonalnoj upravi za inspeksijske poslove, u roku od osam dana od dana donošenja, a radi vođenja službene evidencije o utvrđenim prostorima i prostorijama za pušenje u smislu izuzetaka propisanih Zakonom.

VASPIITNO-OBRAZOVNE USTANOVE

ZAKONOM OD 28. MAJA 2023. GODINE

ZABRANA PUŠENJA U VASPIITNIM USTANOVAMA

ZABRANA PUŠENJA NA RADNOM MJESTU

AKTIVNOSTI U VASPIITNO-OBRAZOVNIM USTANOVAMA

ZABRANA PRODAJE U BLIZINI OBRAZOVNIH USTANOVA

ODGOVORNOST ZA KRŠENJE ZAKONA **

VASPIITNO-OBRAZOVNE USTANOVE

ZAKONOM OD 28. MAJA 2023. GODINE

ZABRANA PUŠENJA U VASPIITNIM USTANOVAMA

ZABRANA PUŠENJA NA RADNOM MJESTU

AKTIVNOSTI U VASPIITNO-OBRAZOVNIM USTANOVAMA

ZABRANA PRODAJE U BLIZINI OBRAZOVNIH USTANOVA

ODGOVORNOST ZA KRŠENJE ZAKONA **

ZABRANA PRODAJE

DUHANSKIH I OSTALIH PROIZVODA ZA PUŠENJE

ZAKONOM OD 28. MAJA 2023. GODINE

ZABRANJENA JE PRODAJA DUHANSKIH I OSTALIH PROIZVODA ZA PUŠENJE

ODGOVORNOST ZA KRŠENJE ZAKONA